

Goibekokale

ELGETA / Barikua / 2005eko uztailaren 15a / 235. zenbakia

KOORDINATZAILEA: Irati Agirreazaldegí • Barrenkalea 33 BERGARA 20570 • Tel.: 943 76 03 97 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Domekan 150 ziklista Mendiko Lasterketan

IRATI AGIRREAZALDEGI

Euskadiko Mendiko Txirrindulari Lasterketa jokatu da domekan Elgetatik abiatu eta bertan amaituz. Probak aurten badu berrikuntzarik: kanpoko talde gehiago ekarriko dituzte. Lehia polita egongo da, beraz, hemengo eta kanpoko txirrindularien artean.

Guztira, elite mailako eta 23 urtez azpiko 150 txirrindulari inguru izango dira Elgetan.

Hego Euskal Herrian maila honetan jarduten duten talde guztietako ordezkariak etorriko dira Elgetara. Hauetaz gain, Iparraldeko Entente Suf Gescone eta beste bi txirrindulari talde izango dira proban eta baliteke Italiako talde batek ere parte hartzea. Gropusa, Valentziako Unibertsitate Politeknikoa, Catalunya-Angel Mir, Cai-Zaragoza eta Camargo-Roper Espainiako taldeak ere etorriko dira. Herriko ordezkaria, berriz, Xabier Arantzeta izango da.

Kanpoko talde gehiago ekaritzea izan da probaren aurten go berrikuntza. "Emakumeen Birako etaparik ez da aurten Elgetan amaitu, beraz, txirrindularitzazaleak gustura lagatzeko proba hau indartzeko ahalegina egin dugu", esan digu Emilio Mandaluniz antolatzaileak.

ASENTZIOKO GAINA BI ALDIZ

Goizeko hamarretan Elgetan abiatu eta besteak beste Areitio-



Txirrindulariek 124 kilometroko ibilbidea egingo dute domekan.

Elgeta da lasterketa ikusteko lekurik egokiena; irteera eta helmugaz gain, bi aldiz pasatuko dira

ko gaina eta Asentzio bi aldiz igo ostean, 13:00ak inguruan Lehen txirrindularia helmugan izango dela aurreikusitako dute. Guztira, 124

kilometroko ibilbidea egingo dute txirrindulariek Gipuzkoako eta Bizkaiko lurretan.

Antolatzaileen esanetan, "lasterketa ikusteko toki egokiena Elgeta bera da. Irteera eta helmuga bertan egoteaz gain, 11:30ean eta 12:20 inguruan herritik pasatuko dira txirrindulariak".

INFORMAZIOA BOZGORAILUETATIK

Bestalde, lasterketa abian den bitartean plazako bozgorailuetatik karreraren nondik norakoen berri emango dute.

HIRIGINTZA

Maalan obrak hasiko dira datorren astean

I.A.

Udaletik jakinarazi digutenez, datorren astean hasiko dira Maala ingurua egokitzeko lanetan Aikia SL enpresakoak beste hainbat langilearen laguntzaz. Orain ekin eta abenduaren lehen egunerako amaitzea da asmoa.

Maalan parke berria egiteak herritarrek erabiltzeko gune bat berreskuratzea ekarriko du. Izan ere, Espaloira doan behin-behineko bidea hobetuko dute bidearen alde banatan lorontziak eta bankuak ipiniz. Intxorta elkarrearen aldamentetik ere oinezkoendako bidea egingo dute parkea San Roke kalearekin lotzeko.

ERMITA PARKEAN

Maalan, Intxorta elkarrearen atzeko aldean, plazatxo bat egingo dute eta bertan bankuak egingo dira. Berde gune bat ere geratuko da eta umeendako ziburuak eta iturria ere ipiniko dituzte. Bestalde, parkeari izena ematen dion amabirjinaren omenez ermita bat ere eraikiko dute. Parke guztia argizatuta egongo da.

Hirigintza proiektu garrantzitsua da Maalako parke hau, eta 320.275 euroko kostua izango du. Gipuzkoako Foru Aldundiak 145.000 euroko laguntza emango dio Udalari.

Beraz, urtea amaitzerako jolasleku berria izango da herrian.



Plaza eta Espaloirearen arteko gunean egingo dute parkea.



RECYDE, S.A.

Pagotza pol. ind. 20690 ELGETA, Gipuzkoa
Tel.: zentrala: 943 78 80 00. Faxa: 943 78 90 10
Posta elektronikoa: recyde@recyde.es



Enpresa
Erregistratua
ER-0182/2/95

ISO 9002
QS 9000
ISO/TS 16949

Aperribay, s.l.

Marmoldegi
eta granitoak

Pagatza indus. z/g.
Tel. eta faxa: 943 78 90 21

20690 ELGETA

LABUR

Joaquin Rodriguez eskoriatzarraren 18 margolan ikusgai hilabete osoan Espaloian

Uztailaren 30era bitartean Joaquin Rodriguez eskoriatzarraren 18 margolan egongo dira ikusgai Espaloian. Lan hauen oinarriko materiala kartoia da; hau dela eta, artistak erakusketa honi *Kartoiak* izena eman dio. Koadroak hiru seriedunak dira eta artistaren esanetan, margotzen duenak eta ikusten duenak koadroaren interpretazio desberdinak egiten ditu, interpretazio hauek pertsona bakoitzak barnean duenaren isla dira. Margo hauetan pertsona bakoitzak eman nahi die garrantzia, eta badira koadro batzuk bertikalean zein horizontalean jar daitezkeenak.

INDUSTRIALDEA

Pagatzako industrialdea irailean inauguratuko dute, berrituta

I.A.

Pagatzako industrialdean, Pagatza eta industria-gune berriaren artean aisialdi-gune bat ipini dute. Horrekin eta beste hainbat berrikuntzarekin industrialdea irailean inauguratzeko asmoa dutela esan digute Udalean.

Aisialdi-gune berriari jolastokia eta lorategia daude. Bertan, bi mahai, bankuak, iturria eta umeendako ziburuak ipini dituzte.

Parkeaz gain, industrialdean barrera oinezkoendako ibilbide-

ak gertatu dituzte, eta baita atse- den hartzeko bankuak ipini ere.

Patxi Basauri alkateak esan digunez, "industrialde berria jende askok erabiltzeko moduan ipini nahi izan dugu bai egunez eta baita gauzez ere, horretarako argiteria egokia jarri baitugu".


Industrialdea irailean inauguratzeko asmoa dute, behin instalazio guztiak amaituta. "Industrialde modernoa da, eta gainera, denok konpartitzeko aisialdi-gune bat izango duena".

Bestalde udaletik jakinarazi digute industrialdearen inguruan dauden zuhaitzak, loreak

eta landareak katalogatzea aurreikusi dutela.

ARALAR HASERRE

Aralarrek Hezkuntza batzordean bere haserrea adierazi zuen, batzordean eztabaidatu gabe ziburuak ipini dituztelako industrialdean. "Industrialdea ez da ziburuak jartzeko eta umeak jolasteko toki aproposena. Iaz arazo dezente egon zen ziburuen mantentze-lanak enpresa espezializatu batek egiteko, dirua izan zen aitzakia". Aralarren ustez, "hobe litzateke dauden ziburuak ondo zaintzea".



Pagatzaren eta industrialdeko alde berriaren artean daude ziburuak.



Fo-fo-fo, Ipintzako txapelketako finalerako sailkatuta

Bergaran jokatzeko den Ipintzako areto futbol txapelketako finalerako sailkatu da Fo-fo-fo taldea. Finalerdia 2-1 irabazi zuten elgetarrek Hotel Ormazabal taldearen aurka, eta horrela, finalerako txartela eskuratu zuten. Hirugarren urtea dute Fo-fo-fo taldekoek finalean, eta behin irabazi dute. Finala egubakoitzean, hilaren 15ean, jokatu dute, 20:00etan, Ipintzan./I.A.

BASERRIAK

Baserri bideen garbiketa auzolanean

I.A.

Baserritarren batzordeak erabakita, baserri bideetako bazterrak garbituko dituzte uztailaren eta irailean.

Bide bazterrak garbitzeaz Udala arduratuko da. Uztailaren Asurtza eta Aixolako bideak garbituko dituzte eta irailean gaintzekoak.

Bestalde, aurten garbituko dituzte lehen aldiz baserri bide-arekak. Uztailaren Aixolara doan bidekoak eta irailean besteak.

Garbiketarako tresnak Udalak ipiniko ditu eta bertako hainbat langilek ere jardungo dute garbiketa lanetan. Hala ere, baserritarren eta baserri auzoetan lurak dituzten jabeen laguntza

eskatu dute, bideen garbiketa auzolanean egin ahal izateko.

AIXOLAKO BIDEA

Uztailaren 23an, zapatua, egun osoz jardungo dute Aixolara doan bidea garbitzen. Horretarako hitzordua ipini dute lanerako prest daudenak elkar daitezten. Goizeko zortzietan Urbedeinkatun azaldu beharko dute nahi dutenek.

Udaletik esan digute oso garrantzitsua dela arekak eta bide bazterrak garbitzea. Izan ere, asiak, belarrak eta zikina areketan pilatuz gero, ura ez litzateke bertatik igaroko behar den moduan; horrela, ura bidera irten eta baserrietara doazen pistak hondatu egingo lirateke.

HERRITARREN HITZA / Igor Arizmendiarieta · Irakaslea

Xentimo bat merkeagoa

Beste egunean irratia entzuten nengoela gure gizar- tean gertatzen den fenomeno bitxi hau plazaratu zuten eztabaidara. Kontsumituz nola aurreztu genezake, zen gaia.

Askotan nahi izaten dugu dirua aurreztu gure bizi kalitatea ezertan aldatu gabe. Ez dakigu nondik gutxitu ditzakegun gastuak eta ia gehienetan janarian egiten ditugu aurrekontu murrizpe- nak. Supermerkatu edo denda- tara joaten gara, eta han ibiltzen gara xentimoari begiratzen, produktu marka bat bestea baino xentimo batzuk merkeagoa dela eta hori

erosten dugu azkenean. Edo okindegi bateko ogia beste batean baino bost xentimo merkeagoa dela eta bertan erosten dugu ogia. Berdina taberna batean edo bestean kafea hartzerakoan.

Gure etorkizuna horrelako erabakie- tan doalakoan, ez gara konturatzen azkenean huskeria zentzugabe bat dela aurrezten duguna.

Dirua aurreztu nahi badugu, beste planteamendu bat



"Dirua aurreztu nahi dugu bizi kalitatea aldatu gabe"

egin behar diogu gure buruari. Benetan diru dezente gastatzen dugun gauzetan ipini beharko genuke arreta gehiago.

Gaur egun, diru zulo izugarria bilakatu den telefono mugiko- rren erabilpen axolagabea da adibide argiena.

Gastu hori kontrolatzeak ez du zaila izan behar. Familia batek ere dezente aurreztu dezake, oporrak ongi antolatuz, bere

etxe edo autoaren aseguria egokiro aukeratuz; diru dezente supermerkatuko gurdi batean aurreztu genezakeenaren aurrean. Berdina auto edo etxe bat erosterakoan, diru dezente gutxiago xahutu genezake aukera egokiak egingo bagenu kreditu eta abarretan. Baina badirudi honek nahiko buruhauste eragiten digula, eta azken finean hortxe ibiltzen gara supermerkatuan eta dendatan, eguneroko bizitzan hartu behar genituzkeen buruhauste zentzugabeak hartzen. Zein esne hartuko dugu gaur hau edo bestea? Hau xentimo bat merkeagoa da...

LABUR

Tourra pantaila handian Espaloian asteburuan

Tourreko Pirinioetako etapak bertatik bertara ikusteko aukerarik ez dutenendako pantaila handian emango dituzte asteburuan Espaloian. Gaur izan da lehen emanaldia eta bihar eta etzi ere izango da txirrindulariak lanean ikusteko aukerarik. Zapatuko etapan Agde-Ax-3 Domaines ibilbidea egingo dute ziklistek; 220,5 kilometro, hain zuzen ere. Domekako ibilbideak 205,5 kilometro ditu: Lézat-sur-Lèze-Saint-Lary Soulan (Pla d'Adet).